

沈忠敏公龜谿集十二卷

宋沈與求撰



明萬曆二十八年沈子木刻本〔清
季錫疇瞿熙邦校並跋〕

四冊

本部书开始

书 号 3708

本片卷含



忠敏公龜谿集敘



忠敏公者吳興武源之龜溪里人也舊有
龜谿集鐫行觀文殿李公詮次顛末詳哉
其言之矣顧時代迤邐簡帙淪失幾不獲
覩偶得善本披玩再三因之動繹思焉士
君子涉世泯々沁々毫無建豎如飛烟冷
風者何可指數惟貞介瓌偉之士稱焉按

家乘公夙持英異酉歲汲瘞靡不寓目抒
為翰藻道勁嫺雅逞々豔人唇吻性鯁特
無脂韋態歷三院御史中執法鋤擊佞表
風裁凜々方鑿輿南狩夷氛滿眼舉朝鯁
鯁下穹廡之拜矣公力排和議勸駕督征
事維中格而一腔忠赤皦然与日月争光
謂為中興人物冠冕諒哉迄今五伯餘年
而誦其遺文想見其人亭々直上之氣時
露於楮穎間惜也龍劍躍於延津玄珠送
於赤水幸存殘稿不絕如帶夫英雄弔古
片言契合几席千秋雖其人與骨俱朽而
瑤華琬琰爭耀詞壇即曹筆可然而中郎
之帳可秘矧於世系相承肝鬲相通如不
佞木者能無尸祝羹墻之意乎緣受之梓

而為撫攬一言要之公自足不朽云
萬曆庚子歲秋八月之吉十六代裔孫子
木汝南父書于金陵奉寧之觀省堂



沈忠敏公龜谿集

元樞忠敏沈公當建炎紹興間被遇

思陵為耳目股肱其勲業在朝廷其聲名在天下其
風節挺挺特立號稱名臣蓋中興人物之冠冕吾鄉
間之光寵也紹興三年由吏部尚書奉祠歸里門伯
氏桐廬丞彥衡字元規自公在憲府實客館下與其
諸子遊雅相好也時彥穎年十有五學於伯氏早暮
見公來館舍相對無雜語論文說詩疊疊不倦尤喜
論體制格律源流所自不務苟作每從旁竊聞之則

知所忻慕焉時方亂定才大夫士遊居郡邑者以十數相與賡唱爲娛樂篇章流傳得輒誦記若其它文藁伯氏又能收拾藏于家得以時時覽觀顧方爲童子雕篆之習它未暇以學莫獲拜下風而請焉而公蓋嘗辱撫憐之曰是子可教也未幾詔起公鎮京口召還仍爲天官掌內制遂持鈞位貌殊絕無所窺尋其聲光已剽聞君薨于位矣年甫五十二家在故里傍無壯子弟平生著述文字故多散落或爲親黨取去此得于所聞者如此而吾伯氏亦且下世諸子都未省事凡得公手筆起草與所抄錄在紙者皆亡之雖往還尺牘無留者惜哉後六十年當紹熙辛亥公之孫詵爲浙漕始能裒輯類次爲十二卷將以板行于世蓋其家所存止是矣以序見屬念自少小知敬重公今甲子一終旣篤老矣撫往念舊安能無槩然也公英邁絕人早以翰墨知名歷三院御史中執法排姦擊邪風采峻厲觀所作中丞謝表有曰本之以忠厚愛物之誠加之以正直事君之道故嘗爲之言曰此御史箴也或謂公在臺中論議少恕是何足以

識公之用心視草禁林得代言體親征詔書凡四方
聽聞之者莫不感動流涕庶幾乎奉天之作此特私
愛味之故云爾初衣冠南渡一時能言之士衆矣當
其時儕流之所推稱學者之所宗仰如公者屈指幾
人而後來或未之詳也傳世行遠其始自今公爲不
亡矣公諱與求字必先其立朝出處之大節固載之
史官獨始初親見之幸夙昔願學之私因得自見于
此十一月旣望觀文殿學士宣奉大夫致仕吳興李
彥穎序

叔椿少時聞

龜谿先生以文鳴當世及長從搢紳賢士遊又聞以
直道結

主知以盛名諧人望由是歷霜臺冠常伯兼翰苑兩
總天官進叅機務再秉事樞崇論懿議鴻文大册天
下傳而誦之謂常楊燕許復出矣叔椿每得一篇笥
而藏之如獲至寶每以不及全見斯文爲恨淳熙紀
號之三禩

叅政姚公以

天子大臣來守泉越數月政清訟簡出

龜谿所爲文十二卷命叔椿爲之讎正玩味不能釋
手留月餘始克歸其書又俾爲之叙竊喜附名不朽
有榮耀焉乃不辭而承

公命嘗觀

皇朝晏元獻公被遇

仁宗而富文忠公繼登揆路冰清玉潤勲業宏茂載
在史冊後世歆豔

龜谿

公丈人行也其名德相望前後輝映又能集其文而
流布之益昭述作之懿顧不遑歟

先生諱與求字必先仕至知樞密院事紹興七年六
月薨于位若平生出處之大方則有給事劉公一止
狀其行事爲詳茲不復列四年三月一日從事郎充
州學教授永嘉張叔椿叙

沈忠敏公龜谿集目錄

第一卷

古詩

山西行

次韻劉殿院贈錢圃翁

遊玲瓏山因訪朱氏草堂

奉陪安守登撫原觀

觀網魚

子修步屨相過屬疾不能倒屣戲贈

寄題淄川王景發肯光堯堂御名

何子楚為范明倫賦九疑石石吾不及見也
讀詩可以知其巘岼秀峙之狀吾累卜峰石
為小寒林興寄不淺用其韻并及之

次韻題沈傳曜瘦節堂

劉行簡見借詩橐以長句歸之

送章文虎秀才歸荆南

次韻曾守懷玲瓏山

何亨老築堂里第榜曰安虛蓋取司馬子微
不受外不逐外之說屬某賦詩以見意云

次韻何子楚食櫻桃

擬古

次韻黃子虛同飲葛次顏家釀玉友

次韻李元叔田邦鎮唱酬之什

讀成士毅詩卷和其書事一章

錢塘賦水母

泛舟村落阻風不能少進而菱梢芡觜繚絃
上下篙人病之

夜坐感事

戊申初寒偶作

十里巖石壁

夜書山驛

績溪寨口

聞招寇

寧國道中

夜宿千秋嶺下田家

溪上見梅

次韻張仲宗感事

次韻允迪祕監同年所寄會稽唱酬之什

鄭維心約趙安道中大家兄次律學士及僕

探梅城山乘月泛舟而歸

臘月二十六夜大雪投曉霽色恍然鳥語啁

啾便有春意感而賦之

次韻葛魯卿送示近作一通二首

葛魯卿再和復用前韻奉酬

葛魯卿再和復用前韻奉酬

奉題思上人妙峰堂

維心方刊正三國史其以精筆遺之蒙餉大
篇爲謝氣格渾然三復感歎謾依元韻奉和
蕪陋增愧

長樂梁世則爲余言林氏達觀樓橫海嶠天
下奇景也索詩爲賦一章

和張仲宗送柯田山人歸隱

鄭維心用張仲宗韻見贈復次其韻奉酬

次韻葉左丞見寄

希顏提舉博士謁葉公左丞於石林公遺之
詩屬余次韻

夾竹桃花

蠶

松下追涼

第二卷

律詩

呈唐子明同年

攝尉歸安呈江嘉

小雨

清明日曉晴

舟過菘塘

夏日書事

秋日戲呈蔣達可檢討

同官用僕秋日詩韻述懷因復和之

從劉殿院借書

過徐氏莊居

與道按田至湖山有詩凡九章次其韻

游天平山

白雲泉

題靈源寺

雲隱軒

題林屋洞口

題靈祐觀

毛公壇觀

題上真宮

題華山寺

過徐氏郊居

到吳

感事

旦日趨府

次韻秀守苗郎中喜雨

次韻盧憲小雨

雨不止

新春書事

次韻盧憲春思

清明

報中有盛年休官者感而賦詩

有懷山中

次韻宏父喜雨

行簡以曾守韻見貽復和一篇

申應時以圖尋山圖所載湖之西溪也爲作

二絕句

客至具餉庖中止有豚肝客不食

次律九持節燕山且調兩河兵賦喜而作詩

喜次律兄見過

倦夜

單顏徒以盜失邑被譴 赦令復官喜而有
詩次其韻

土人腊蛙見餉爲作此詩

送別

莊子經解官作二詩道別有江湖蓑笠之句
次其韻兼叙離索

秉元以按田至村落有詩次其

巖桂

次韻行簡北城登眺述懷

行簡釋奠學宮登北城眺覽有詩嘗次其韻
再和二章

曾守置酒月波樓以張侔至有詩命坐客同
賦

夜坐

曾守病日以治法與之有詩見貽次其韻
次韻曾守立春席上七絕句

喜次律兄見過

倦夜

單顏徒以盜失邑被譴 赦令復官喜而有
詩次其韻

土人腊蛙見餉爲作此詩

送別

莊子經解官作二詩道別有江湖蓑笠之句
次其韻兼叙離索

秉元以按田至村落有詩次其韻

巖桂

次韻行簡北城登眺述懷

行簡釋奠學宮登北城眺覽有詩嘗次其韻

再和二章

曾守置酒月波樓以張侔至有詩命坐客同
賦

夜坐

曾守病日以治法與之有詩見貽次其韻
次韻曾守立春席上七絕句

月波樓

會景亭

次韻楊縣丞見寄

次曾宏父韻

曾宏父作詩別行簡索僕同賦

曾宏父將往雪川見內相葉公以詩為別次其韻以自見

舟行即事

舟過北塘

羞墓朱買臣妻墓在嘉禾北塘

舟次吳松江

吳江阻雨過豁然閣次周廉彥韻

燈上人願齋

次韻江元壽題寧境寺湖光亭

舟中聞元用途魁天下士論歸之輒成五十六字呈宏父車馬至中都當舉似也

吳門別曾宏父

還憇湖光亭復次江元壽韻

次韻錢德初九日旅懷三絕

過嘉禾野塘

僕夫自燕山來云有次律兄書被盜失去

杜季習遊恒山謁府帥劉公輒次劉彥常韻
作二詩送之

董架大有詩紀吳江豁然閣舊遊索僕繼和
次韻河陽張先父秀才

託長興吳宰僦居

寄次律兄學士柯田山新居

沈景修宗博示試院書事二章次其韻

次韻院中四絕句

石壁寺山房卽事

石壁寺

無言頌政以詩寄行簡輒次韻

行簡用前韻見貽復和酬之

過卞山次韻朱仰止澗亭絕句

昔年

秋懷二首

卽事

秋日閑居

送盧左司赴闕舟中口占

野外罕人事

過竹西

贈老禪

成士毅校登真訣垂就為此詩問訊

成微士居三茅

謝葛魯卿雪中遣介送酒

第三卷

律詩 長短句附

正月十四夜觀燈南寺子虛有詩次其韻兼

呈駿發次顏

再用子虛韻和呈駿發次顏

子虛復有詩再次其韻

次夕雨作用子虛韻奉懷次顏知魚軒小集

別群從

瓜步

將達行在所

陳子尚博士休官還京口作此詩餞之

得家書

觀瓊花

卽事和卓彥翼

卽事

次桐廬

於潛道中

新城道中

宿葉璋橋庵舍

水閣小憇

祈門道中遇雨

東西二林寺

千秋嶺錢氏嘗築四壘以限江南北者盜發旁近復於此守禦

次韻鄭維心臘月十六日有作

次韻避寇二首

游城山夜歸泛舟南溪

次韻李通直題慈相寺雪月亭

扈 御舟泊錢清江口值雨

過平望

次吳江

冬至遇雪題明因寺僧房

方允迪隱鷓鴣谷江子我子之劉希顏行簡
皆往依焉爲此詩寄贈

八月十七日扁舟渡錢塘江

允迪招行簡卜居鷓鴣谷僕意羨之作詩送
行兼以自見

維心過邵子非溪亭夜話有傷時感舊之作

索余次韻

劉希顏持節按縣招維心舟中小酌次維心
韻

子虛航重湖之險遠過山中輒次維心韻以
謝

次韻學士兄見一亭

次韻學士兄述懷

次韻黃子虛所居隨緣堂

次律兄餉魚魚不至而詩至頗類南海使君

送酒輒成一絕一笑而已賜茗少分以報厚
意

曉過鄰村

卽事

過梅知宮東軒

允迪遣書問訊并寄示與子我唱酬佳句猥
及微蹤輒用盧字韻爲二詩以報嘉惠

書懷三首

劉希顏提舉見過出示下山居二詩次其韻

張仲宗有詩懷歸因次其韻勉之

南北山探梅俱未花維心從家圃折數枝以
餉坐客蓋半開矣會次律兄有詩輒次韻

次韻鄭維心探梅未花

復次韻呈維心拙澀不工當爲抵掌

次韻維心憶梅

次韻行簡懷次律兄

邵子非謂予有天台之行見貺以詩次其韻
次韻劉希顏蠟梅一絕

次韻雪

月下獨步

次韻次律兄除夜述懷

次律兄以蘆菔見餉并有詩次其韻

次律兄以鼠盜防風感而作詩命某同賦

戲酬嘗草茶

某蒙學士兄相要陪賞芍藥花多白者月色相射光彩映發殆玉盤盃之苗裔耶維心有

詩輒次其韻

溪亭夜坐

松架

代人作壽詩

張倅生日以詩爲壽

詩悼鄒仲容教授

徐縣丞挽章

蔣司成挽詞

曾逢原挽詞 代劉侍郎

安次山挽詞 代劉侍郎

劉資政翰挽詞

挽詞二首

吳宜人挽詞

長短句

浣溪沙和鄭慶襲雪中作

葛使君示書有元夕寒廳孤坐之歎昨日石

林寄示所和長短句輒亦次韻和呈因以自

見窮寂之態

又和葉左丞石林

第四卷

內制

除郭仲荀武泰軍節度使依前侍衛親軍步

軍都指揮使權王管殿前司公事制

賜朱勝非辭免新除右僕射不允批荅

賜席益辭免侍講不允批荅

賜叅知政事孟庾辭免通議大夫恩命不允

詔

再賜孟庾辭免不允詔

賜新除翰林學士知制誥基崇禮辭免恩命
不允詔

賜新除禮部尚書洪擬赴闕詔

賜新知平江府趙鼎辭免不允詔

賜尚書左僕射領江淮荆浙都督諸軍呂頤
浩生日詔

賜叙復平海軍承宣使蘭整辭免恩命不允
詔

賜張深程唐劉子羽獎諭詔

賜新除慶遠軍節度使克醴泉觀使特封德
清縣開國子食邑五百戶食實封二百戶邢
煥辭免恩命不允詔

再賜邢煥辭免不允斷來章詔

親征詔

賜川陝宣撫處置使司詔

親征戒諭州縣詔

招從僞士大夫詔

賜吳玠詔

賜韓世忠詔

賜張浚詔

賜三省銓擇監司郡守詔

賜張浚詔

賜劉光世韓世忠張俊詔

賜李綱詔

第五卷

內制表附

賜岳飛詔

車駕進發賜臨安府詔諭

賜劉光世張俊詔

賜李綱詔

賜呂頤浩詔

賜劉光世詔

賜交趾郡王李陽煥曆日勅書

賜武泰軍官吏僧道耆壽等示諭勅書

賜吳玠王彥關師古獎諭勅書

賜朱勝非辭免右僕射恩命不允口宣

賜郭仲荀辭免特授武泰軍節度使恩命不
允口宣

賜孟庾辭免進通議大夫不允口宣

賜邢煥除慶遠軍節度使充醴泉觀使辭免
恩命不允口宣

上 太上皇帝表

上 太上皇后表

代高麗國王王楷表二首

內中祈禱感應改謝道場開啓詞文

內中祈禱感應青詞

冬至御侍已下賀 皇帝詞語

代賀元會表二首

代賀收復杭州表

代提舉常平謝到任表

代謝賜出身表

代謝轉官表一首

代賀南郊禮成表三首

代賀明堂宗祀禮成表

代賀天寧節表

代謝侍講表

爲吏部魏侍郎謝表

爲魏侍郎謝得請官觀表

爲顏左丞謝賜生日生餼表

爲顏左丞謝賜生日生餼笏記

第六卷 表

謝除御史中丞表

謝賜對衣金帶鞍轡表

謝除吏部尚書兼權翰林學士表

謝兼侍讀表

謝除職名官觀表

賀冬至節表

謝知鎮江府到任表

謝除吏部尚書表

謝兼侍讀表

辭免除參知政事表

謝除參知政事表

謝賜牙簡金帶表

謝賜生日羊酒等表

辭免扈從轉官表

謝扈從轉官表

謝賜御書車攻詩表

謝賜生日禮物表

謝除職名宮觀表

車駕巡幸平江府起居表

轉官許回授與兄謝表

辭免除同知樞密院事表

謝賜生日禮物表

謝除同知樞密院事表

辭免除知樞密院事表

謝知樞密院事表

第七卷

奏狀劄子

殿中侍御史乞宮觀劄子

辭免除侍御史劄子

辭免除侍御史奏狀

侍御史乞宮觀劄子

辭免除御史中丞奏狀

除御史中丞舉左司員外郎潘良貴自代狀

辭免除吏部尚書奏狀

辭免兼權翰林學士奏狀

除吏部尚書舉左朝奉大夫直龍圖閣辛炳

自代狀

辭免侍讀奏狀

乞罷除龍圖閣學士荆湖南路安撫使兼知

潭州奏狀

除龍圖閣學士舉左奉議郎莫仲珪

辭免吏部尚書奏狀

知鎮江後除尚書辭免

辭免吏部尚書第二狀

除尚書赴闕奏知狀

辭免侍讀奏狀

除吏部尚書舉度支郎中李元灞自代狀

辭免除兼翰林學士劄子

辭免除叅知政事劄子

辭免賜金帶劄子

辭免轉官劄子

辭免支賜劄子

與左相等爲亢旱乞罷政劄子

再與左相等乞罷政劄子

乞外任官觀劄子

謝賜鍍金銀鞍轡奏知劄子

謝賜御書車攻詩劄子

乞出劄子

乞出第二劄子

乞出第三劄子

辭免賜生日禮物劄子

乞出第四劄子

乞出第五劄子

乞出第六劄子

乞出第七劄子

乞出第八劄子

第八卷

劄子

辭免除資政殿學士知明州劄子

辭免除資政殿學士知明州第二劄子

辭免除資政殿學士知明州第三劄子

辭免轉官上宰相劄子

辭免 勅令所修書成轉官劄子

辭免 勅令所修書成轉官第二劄子

辭免 勅令所修書成轉官第三劄子

乞回授 勅令所修書成轉官與兄監獄劄

子

辭免除在京宮觀侍讀第一劄子

辭免除在京宮觀侍讀第二劄子

爲病未及朝見奏知劄子

辭免除同知樞密院事劄子

辭免除知樞密院事劄子

啓

代賀帥臣平寇啓二首

代漕臣謝冠平除職啓

代賀人得郡啓

代賀兵部尚書啓

代賀中丞啓

代賀林中書知揚州啓

代人與尚提學啓

代人轉官賜第謝宰執啓

代謝除發運啓

代謝轉官啓

代賀翁中丞改知杭州啓

代賀胡提刑啓

代賀張舍人啓

代賀韓舍人啓

代賀宣撫啓

代賀太宰啓

代賀少宰啓

代潁州王待制謝執政啓

代賀右丞啓

爲戶部葉尚書回諸路使者啓

代謝還任啓

第九卷

啓

賀除留守啓

問候中書啓

賀漕使加職啓

謝薦舉啓

謝運使差權知縣事啓

問候運使啓

新令遠迎啓

賀毛給事啓

賀賈舍人啓

謝改差常州學官啓

賀馮承旨啓

賀新守盛學士啓

賀盧左司啓

賀毛顯謨知鎮江府啓

賀正啓

同前

謝祭酒舉改官啓

謝蔣迪功啓

賀盧舍人啓

賀周司業啓

賀林資政除南京啓

謝薦舉啓

賀毛顯謨除真定帥啓

賀盧給事啓

賀黃司成啓

賀湖守葛待制啓

賀盛守再任啓

第十卷

啓
狀附

謝運使胡修撰舉改官啓

賀年啓

謝秀守苗郎中舉改官啓

謝運使王待制舉改官啓

賀提刑啓

賀沈狀元啓

賀左丞啓

賀張狀元啓

賀凌先輩啓

謝黃子虛學士啓

謝曾顯謨啓

賀趙參政啓

知鎮江與戶部姚侍郎先狀

知鎮江通用謝狀

知鎮江與韓帥先狀

知鎮江回人賀啓

知鎮江府到任謝宰執啓

問候劉帥啓

除尚書回人賀啓

回孟參政啓

謝席參政啓

謝前宰執啓

謝劉宣撫啓

回汪相公啓

回知福州張叅政啓

回李觀文啓

賀孟觀文啓

謝送生日詩狀

回路樞密謝復職啓

回折樞密啓

轉官許回授與兄謝宰執啓

賀張參政啓

回賀正狀

回趙相公啓

與浙東安撫趙相公啓

知樞密院回前執政啓

趙相公

韓宣撫劉宣撫

李相公席參政

孟留守

李尚書

卷十一

雜文

湖州德清縣重修孔子廟碑

披雲樓記

水陸報應記

劉希顏真贊

葛魯卿研銘

客游玄都賦

燈華賦

天寧節致語

館待接伴少卿樂語

館待高麗進奉使樂語

薛林二太尉特排樂語

館待杭帥樂語

秀守館待交代樂語

代天寧節功德疏

乾龍節開啓疏

乾龍節蒲散疏

天申節開啓疏

進天申節功德疏

泗州傳衣塔祈雨疏

昊天殿祈雨疏二首

三清殿神霄殿祈雨疏

佛寺祈雨疏

代修武烈帝廟疏

奉迎嘉山龍井水祝文

金山廟祈雨祝文

太學秋試策題

召試館職策題二首

擬御試策題

第十二卷

朝請大夫盛公行狀

朱夫人墓誌銘

黃直閣墓誌銘

祭張提舉太碩人文

祭陳述古墓文

祭馮中書文

爲侍從官祭中書張侍郎文

爲侍從官祭郭樞密文

祭劉資政文

焚黃祭文二首

權殯告淑人范氏文

安葬亡妻范氏祭文

焚黃祭文

曾祖太子太師 曾祖母同安郡夫人方氏

祖太師 祖母魏國夫人孫氏

先考太子太師 先妣濟陽郡夫人丁氏

通議郡夫人

追薦亡妻淑人范氏設醮青詞

生日設醮祈福青詞

定親書二首

回定書二首

沈忠敏公龜谿集目錄

龜谿集目錄

三十一

此書前五卷以金石陶瓦抄宋本對勘別字異處惟以朱筆填補一二漫漶處是
本抄自傳是樓徐氏意者脈坐館藏後入錢氏復得泰興進歸東海沈氏傳者
自惜嗣後七卷此本與之相同雖出明刻亦善本也松耘居士記



沈忠敏公龜谿集卷第一



古詩

山西行

山西健兒好身手氣如車輪膽如斗十五射獵少年
場戲格黃熊同拉朽二十竄名尺籍中鐵馬追風快
馳走臂弓腰箭了一生只喜論攻不論守兵符夜半
出轅門將軍令肅誰敢後自誇豪健天下無誓為官
家掃群醜蠻夷共事古來危監軍巧落胡人機黑山
未靖黃河沸胡塵倏忽連紫微長驅中州斥候絕已

龜谿集卷第一

三十一

聞飲馬金明池种家猛將忠貫日髮上衝冠願指揮
主辱偷生事不武壯士裂眦爭相隨東跨潼關達上
國城頭夜插將軍旗諸胡下馬拜吾父請成退舍纔
有期肉食謀國帝子質勒兵不動護送之壯士束手
猛將歿胡來侮人猶小兒明明 一聖堯舜主天翻
地坼徒爾爲天翻地坼徒爾爲北望血淚湧兩頤
真人中興似光武赤眉青犢折筆管一呼奮擊肯效
歿風鶴尚信驚王師嗚呼何爲背征討紅帕莫轄切兜鍪
半爲盜東家昨夜虜小姑西婦朝逢握刀笑錦衣下
食事奢侈翠眉紅頰資疆暴黃屋今懷肝食憂忍與
豺狼活蓬藿時危宜爾悍且驕側耳試聽哀痛詔五
陵佳氣自葱葱爲雪大雘安九廟

次韻劉殿院贈錢圃翁

少日從畦丁頗悟園官理菘韭記春秋蔬食聊爾耳
十年困塵埃幽事同脫屣一飽不可謀清瘦只如此
仰止長城翁趣尚兩奇偉弱冠事筆耕俛仰行六紀
晚以圃自娛扶鋤寄深喜柔風蔬甲怒細雨蘭牙美
小摘定可供餘事不掛齒那復肯着屐而一到城市

爲計一何疎行須傳高士木茹忌太潔肉食忌太鄙
安得從公游遠傲於陵子

遊玲瓏山因訪朱氏草堂

平生丘壑心餘事不掛目藜杖南山來要使富幽矚
異哉小玲瓏蟠峙蒼弁腹修藤結懸崖飛溜響空曲
伏石臥虎狀騰拳雜奔鹿砮然牙吞吐側路劣容足
拂拭古蘚紋字刻翳新綠標榜玲瓏名奇怪殆天屬
捫蘿上絕頂坦坦類平陸俯首瞰來蹤穹然在幽谷
傳聞昔逋客誅茅此營屋清魂不可招千載想遺躅

我思造物巧妙供幽人祿揮斤役山祗斲此一拳玉
雲牕與霧閣一一相亘屬豈無部曲衆猿鶴卽更僕
豈無節旄貴松檜自張纛此事久棄置蛛絲網巖麓
翩翩佳公子心古韻不俗駕言脫華簪茲馬卜幽築
終日面嶮岼世故豈容觸指點空洞姿喜氣政堪掬
挾策校昔游健步念須續亦有招隱詩薄暮不可讀
奉陪安守登廡原觀

江南多佳山駢首闔城郭緬懷在坦夷要使一見廓
邦侯王事餘幽致到丘壑散策占城陰舍睇及民瘼

愛此郊原平無廬富耕穫飛觀儵下臨丹碧盪霄堦
野色四座浮曾次潛領略千畦雲弄黃歲事初不惡
斗酒行勞農歡謔入醕醪勝地惡發揮波神覆爲虐
蕭及誰與娛一笑寄華酌落日耀旂輕颿漾簾幕
卷白起壽公歌聲渺林薄老農止勿狂嗣歲有真約

觀網魚

暗雨垂垂梅欲黃春山吐源春漲狂雪鱗頰尾泝流
上吹濤噴浪能奔忙魚師布網名白大萬目井井連
重網聯艘絕流勢甚武遮羅初若無習藏大魚已得
小魚棄要使遯青克陂塘鰓鮪安用誤回避鰕蟹亦
復虛跳梁寧知不比綸索手欲以巧餌空滄浪

子修步屨相過屬疾不能倒屣戲贈

簿書日在手往思挽不罾而能痛撥置時來訪清幽
古木占城陰一曲繁寒流落影插清泚綠蔭亦已稠
結亭坐蟠石傲兀忘荊囚雜談功名外俊氣橫九州
事故未應爾長恐坐阻修造物小兒相妬我得暫休
河魚竟中潰午枕猶扶頭雙鳧飛鳥聲歷歷過牆陬
此興豈復淺何當起從游試令開文室子能問疾不

寄題淄川王景發肯光堯堂

深林執松栢不數櫟與樗坐待十畝陰等爲匠氏儲
寧復知種德責報不厭徐名令後必大善積慶有餘
於焉望豐屋政可增修間王孫世東州奕奕盈簪裾
金埒通里巷珠樹連堦除賢哉景發甫爽爽衆莫如
直氣薄霄漢妙語鑄瓊琚定知磊落人一見懷抱攄
謂我架華堂映發先人廬揭名取肯光堯益念經營初
堂前植桃李堂上羅詩書桃李意取適詩書計非疎
諸郎自蘭玉舌耕起菑畝吾許以爲箴會見聯高車

何子楚爲范明倫賦九疑石石吾不及見也讀
詩可以知其嶮岈秀峙之狀吾累十峯石爲小
寒林興寄不淺用其韻并及之

峩弁千峰倚天碧上有修筠材可遂月明三弄向巉
巖驚起哀猿啼峭壁兒童斲石攢青瑤寒林蕭蕭吹
墮樵坐令結習落幽夢芒鞋竹杖歸路遙覺來隻影
徒相守哦子清詩筆如口眼中何必小玲瓏仿像九
疑當戶牖神丹已失大江濬誰與安期追後塵分天
隔日不可到使我目斷蒼梧雲

次韻題沈傅曜瘦節堂

平生一字不療饑誰云糠覈能瓠肥牙籤玉筍五鼎
食是中有趣非錢癡萬事顛倒絕可嗤此腹却受將
軍譏吾宗酷似騎曹掾俗物紛紜那復看眼中但有
瀟洒侯高節亭亭真老伴山澤形容坐一癯相要檢
校還丹書食薇飲水笑多事知君此計誠非踈

劉行簡見借詩稟以長句歸之

文章偏忌聲名早富貴政須門第好了知二物不相
關風月膏梁兼者少劉郎天韻真不凡飛騰宜在蓬
萊島年來窮愁已到骨只有珠璣落殘稟紛紛餘子
何能追定向詩壇分六纛造物小兒亦薄相浪付繁
華給揮掃却令徑坐詩人窮只與清冷消熱惱向來
狗監非同邑渴盡文園尚傭保九原千古忽可作如
君自是不枯槁茅齋夜誦誰得聞咄咄空能訴穹昊
請君更作昇天行勿使貧胡種知寶

送章文虎秀才歸荆南

我生本吳儂搦筆追楚些佳人脫塵屣幽韻耻獨和
君家楚江湄詞語亦頓挫學海富探討渠數百紙過

春風歸鳳城欄具恰解馱此地初識君細語輒三賀
冉冉歲已逾雲山憶高臥翩然理歸裝餘事等棄唾
文園久堅壁定恐一戰破行矣儻復來憑將楚詞課

次韻曾守懷玲瓏山

泉石有膏肓料理費和緩風埃客子游夢想畧相半
端如饜羊酪投匕念鄉饌懷哉小玲瓏舊賞記酣宴
玉女下雲牕輕我年未冠誅茅老三間此意已懸斷
少須草堂資兩足那可絆謝公愛東山自結尋幽伴
詩筒忽相先紙價豈容賤流傳從使君感此歸思亂
擷蘭躡危根漱石俯長澗野性等麋鹿百嗜寧食薦
攬衣中夜興測漏疾流眄局步愧鴛筋卑飛傷短翰
正使屐齒折未救斧柯爛時節脫復徂遲莫空浩歎
何當脂下澤去路鬱交貫

何亨老築堂里第榜曰安虛蓋取司馬子微不
受外不逐外之說屬某賦詩以見意云

幻境如群狙喜怒眩名實憐渠千劫迷墮此一念失
世路波濤翻時事風雨疾胡爲隨物遷坐此方寸室
使君超世姿軒裳起儒術神交赤城仙妙解窮隱密

向來心泰然初不計升黜危堂榜新顏要以名自律
牕扉敞深明空華亂初日變滅驚須臾蔽虧隔纖悉
了知內觀融天光發虛室山林猿鶴倚廊廟鵷鸞匹
靜躁塗或殊出處心本一清都五城開真仙羅輔弼
行矣朝紫皇啓沃造前膝功名戲劇成志願談笑畢
它年容買鄰儻不傲蓬華

次韻何子楚食櫻桃

輕衫駿馬飛彈丸上林花開紛繡團御厨賜筍未解
簪山櫻亦復登金盤

櫻筍厨事見秦中歲時記

宗廟薦新勤玉路

凡果紛紛不論數風清日美雨絲收朱實烘春燃綠
樹筠籠採擷價萬錢北人羊酪雅所便自從燕罷曲
江曲

故事進士賜櫻桃燕

五湖十載身回旋已作孤蓬任流轉

萬顆徒勞野人獻故無清夢大明宮醉倚酡顏浮玉

盃

擬古

日月雙高懸朝昏自升沉有如轉轆轤引絙環相尋
而我生其間所閱幾古今爾來三十年又作裘氏吟
眠飯寄編簡此身疑白蟬皇皇走四方誰是真知音

語欲離舌本退縮翻如瘖涉世聊爾耳依阿亦何心
託質既已迂自謂百鍊金耻作渭水鈎寧爲太阿鐔
用捨安所之齒髮忽已侵日月不我留潜然涕盈襟

次韻黃子虛同飲葛次顏家釀玉友

先生早年忘掃白嬾飯青青借顏色獨餘驩伯爲友
朋熟不暇筓巾自漉何須引泉連百井飲若長虹太
豪猛細斟玉筋滑無聲酌我應憐官獨冷奇篇更寫
陟釐黃逼人心地生清涼了知二事盡家法眼饒徑
索銀瓶嘗我老華池少滋液年來愛酒如偷蜜陶然
一醉樂未央此外要知俱長物相期徑造君勿違坐
得名勝從忘歸公侯似聞勸設醴穆生正恐同分攜
次韻李元叔田邦鎮唱酬之什

李侯少年真自喜收名擬擅東南美大科異等不作
難堂堂奏賦明光裏眼看斗粟飽侏儒空腸殷雷歸
著書留中未減食牛氣出手一擲當成盧只今聊問
復何如

李比人館

要辨蟬蠹資軒渠刺頭文字亦瑣碎澤

叨快意回焦枯

大雅寂寥誰發喜逆折波瀾須子美晚分一派大江

西約束曹劉歸句裏武安耳孫有臞儒載行無多一
束書蹇驢破帽踏城市畧聞崩緜鳴湛盧斗閣自薦
久未偶淮南叢桂猶關渠雕鐫戲出鄉學餘掩面笑
余詩并枯

讀成士毅詩卷和其書事一章

長年賦子虛狗監絕同里枯水聊自酬博此一笑喜
副墨粲我前頓使百廢起朱絃渺遺音御名勿娛俗耳
論交儻自今相從期暮齒

錢塘賦水母

疾風吹雨回江城鰲牙嘔啞潮欲平客居喜無人事
櫻相與環坐臨前楹眼中水怪狀莫名出沒沙觜如
浮嬰復如緇笠絕兩纓渾沌七竅俱未形塊然背負
群鰕行嗟其巧以怪自呈疑目雙視相將迎老漁旁
睨笑發聲曰此水母官何驚江流如奔絕滄瀛潮汐
往來月爲程藏納衆污無滿盈浮埃沉滓溷九清結
成此物宜昏盲使鰕導迷作雙睛乃能接迹蚌與鯉
亦猶巨蛭二體并離則無目爲光精江天八月霜葉
鳴罟師得鰕供水征水母弃擲羅縱橫試令收拾輸

庖丁絳綈收涎體紆紫飛刀鏤切武火烹花羹飢餓
粲白英不殊冰盤堆水晶稻醯齋寒芼香橙入齒已
復能解醒遣漁止矣勿復評嗟哉此性愚不更定矜
故態招三彭且摩枵腹甘藜莢

泛舟村落阻風不能少進而菱梢芡背繚船上
下篙人病之

艇子掠岸行水瘦不濡尾狂飊振踈蓬獵獵鳴兩耳
十篙八九褪逆勢何乃爾野芡伺吾間回梢哆利觜
亦有芡浮角一一肆輕鄙初欲事幽尋解纜出踈葦
乘流覓清淺濯纓助深喜事有大不然移頃未離咫
安得望蓬萊巨艦破潮起征帆駕長風一日三萬里

夜坐感事

沉沉夜氣歸虛堂閉深寂孤燈燃餘花寒雷韻殘酒
醞釀萬斛愁感槩一人敵何當棄短檠陰山叱鳴鏑

戊申初寒偶作

去年十月冬猶溫單衣曉出錢塘門攜拳僅脫餓虎
口更吟楚些招驚魂兒女爭從亂離苦呶啞遶膝多
語言舟行畏塗侵夜泊孤燈明滅何處村蕭蕭細雨

疎葦響風力漸搖枯柳根失聲號寒泣龍具促權傍
險爭前奔還家依然四壁立故衾敗絮那忍論無衣
豈暇具裘褐海圖坼裂波濤翻天公戲人亦太虐雪
花徑尺連上元今年十月事羈官兩脚如舊身大存
紙牕寂歷風竹嘯古木中夜號空園旅人不眠毛骨
冷撫事念往多煩寃吾儕小人不論數豺狼滿目哀
王孫似聞易水寒墮指北望大漠煙雲昏安得壯士
馭八駿沙蟲猿鶴俱騰騫歸歟莫如中土樂天子孝
友朝廷尊坐令鐵衣掃蟣蝨四海挾纊懷君恩

十里巖石壁

巨靈手擘青瑤璞平削無痕看斧鑿六丁取將天路
遙雷電收威半空落至今崒律橫道旁絕壁萬仞青
茫茫倚天屹立不可近下視培塿如群羊蘚花爛斑
風雨潰藤梢夭矯蛟龍戲中開微竇走鳴泉白虹吞
吐氣泉流萬古潭水深山寒無風鬱沈沈下田
納納禾稼茂發源漑初何心峭直誰令據當路松
柏蕭森半煙霧猶恐夜深魑魅驚更遣山靈謹呵護

夜書山驛

天寒夜向闌月出山更靜風露搖青空萬象光耿耿
啼螿泣幽草宿鴻度前嶺歸來坐孤牕松竹舞清影

績溪寨口

青嶂挿天塹白水翻地軸回環壯哉縣不許飛鳥觸
往年羽書馳盜發清溪曲先聲雜妖幻餘黨萃符祝
控攘最旁近被害良慘毒聚落燼煙空生齒塗炭酷
豈無山川險會有法令束百年不用武駢領甘此辱
至今風雨夜猶聞鬼群哭遺俗感舊憤禦盜勇氣足
大兒佩刀劍小兒利鋒鏃老翁筋力衰奮挺怒張目
營寨人自戍不待官期促矧今天驕橫洒涕國步感
豺狼據道路虎兇出林谷儻持復讎心公戰圖報國

聞招寇

綠林煽餘習無乃國計左誨盜爵秩崇納叛金繒夥
戢姦在斧鉞賞誘詎云可萌芽緩誅鋤猖披費結果
戰多數招安奚用署箭筈悍兵昔已然黠將近亦頗
昌言假報國涅面刺投火豺狼奮哮噬蝥螿利掀簸
橫行入通邑焚掠窮委瑣况聞南陵寇執事初意惰
出沒勢已張翦滅計未果宣城俯百里千室盡奔竄

王事吾有程馬頭載印顛叱馭疾其驅語言紛炙輠
何當說罷絀一洗根本禍

寧國道中

山石磴礧行路難山風蕭蕭吹早寒十步九歇僕馬
瘁兔蹊鳥道窮躋攀崖谷空籠瀑泉走碎玉零亂飛
前灘石堤捍水幾百級落處疑有蛟龍盤兩山之間
開畝畝石罅著鋤那得寬前村後村煙火冷土牆茅
蓋常掩關我行不知記近遠官游歲晚良自歎豈如
家家一飽外鷄豚社酒相追歡那知亦有簡書畏里

胥剥啄驚顏

夜宿千秋嶺下田家

陰壑來悲風薄莫吹急雨冥冥攬寒色咫尺暗山路
茅簷兩三家曲澗縈竹塢停車遣問訊欲止此何許
老翁行步弱扶杖倚門戶問我官何忙野宿今無所
向夜號狐狸深林嘯豺虎甘心在擇肉闔首輒憑怒
駕言往何之一榻翁敢拒延我傍中堂慙慙慰良苦
解衣上銕旁支枕憇行旅昏然飽安眼境寂絕猜怖
雞聲報明發征車犯寒去呼燈別老翁鼻息方栩栩

溪上見梅

晴溪漲淥如陰苔晴山插影相低回畫船疊鼓順流
下波光浩蕩征帆開灘縈岸繚施牙轉水石相激如
奔雷須臾已復過絕壁歸路漸近嚴陵臺山重溪複
境彌迥暗香忽自空中來日斜正見叢棘外炯炯疎
片飄寒梅槎牙一種獨愁絕含情不語明巖隈凌波
疑是水仙出縞衣素質行徘徊下窺清淺一笑粲坐
使凡卉俱塵埃山谷之儒已臞甚龜腸鶴骨世所咤
相逢頓覺百憂釋不嫁春風誰與媒舟行易遠空回
首角聲吹夢心悠哉

次韻張仲宗感事

諸侯救周衰能事存筆削後學競專門膚引迷注脚
寧知懼賊亂誅意未爲虐上皇志包荒大度示恢
廓誤墮虜計中九廟施箭鏐將臣擁彊兵首鼠事前
卻專雄懷顧望散黨失歸着坐令兩宮車北轅狩沙
漠天王紹絕統憤此國勢弱嘗膽復大讎此意良不
薄向來督真姦國典猶闕略群公爭護前循習久彌
確黃屋泛滄溟黔首寄贈繳世無管夷吾老眼雙淚

閣何當誅賞行浩歎成嗚喙大明還中天冰雪自銷鏢

次韻允迪祕監同年所寄會稽唱酬之什

秋鴻度寥廓天遠勞目送燕雀各有謀墮此朝舖供平生江海游往事恍如夢簪裳彊結果翰墨困嘲弄一官冗不治匹馬旁無從迷行落小劫直意識大洞似聞脯麒麟頗欲翳鸞鳳眼無行祕書此語誰與共貧知世路艱老覺交情重功名等戲劇射覆偶微中龍媒駕馭車款段朱絲鞵南游探禹穴聊得登覽縱時危要奇策塗窮勿長慟相期論少卑材大古難用鄭維心約趙安道中大家兄次律學士及僕探梅城山乘月泛舟而歸

窮居不厭車馬絕委巷衡門常書閉朝來剝啄誰過予倒屣逢迎走驚蹶里中勝士真可人爲憶寒梅耿殘雪招呼聞早探幽芳平溪徑遣扁舟截西山佳處雲塢深松竹蕭森迷洞穴上方小閣鑱空明開牕下見千山列畫手無人兒平遠野闊天多供一瞥冰花只作小寒枝拄杖不辭穿截薛野僧省事畏客狂攀

援自向南枝折踈香低入坐中來骨冷肌清伴高潔
襟期况有公子賢伯也雄豪負奇節手拈凍蘂薦深
梧妙語琅琅契禪悅人間此會不多有忍放杯空成
小別歸來懷抱與誰論一櫂飄然載明月

臘月二十六夜大雪投曉霽色恍然鳥語啁啾
便有春意感而賦之

黃昏雪打牕夜雨破幽夢晨光逗簷花霽色恍也凍
老木驚向榮好鳥發微哢草根露纖芒蟲聲試群哄
空畦土勻酥側澗泉流漣臘盡殺氣衰春歸生理共
人情自多端天意皆曲中懸知造物公未厭萌區衆
艱難重時節俯仰疲迎送心閑數造化骨寒遭鬼弄
那驚梅柳新但飽藜藿供行須過田家泥飲空社甕
次韻葛魯卿送示近作一通二首

八騶盡屏如縈策微步招尋老賓客離離草色亂溝
塍脚底春風隨蠟屐蟄龍昨夜起洄潭忽雷閃電飛
千巖朝來遺珠落懷袖復見國風歌二南公洗膏肓
砭傳癖詞伯儒宗蚤揚歷詩成聊復貯錦囊副在久
應藏石室只今漂泊客煙村高哦七字哀王孫有如

此言公不食東山那得留安石

公詩慨然有濟時之志

君侯曾次多籌策歲晚翻為江海客小隱方營一把

茅

公詩為結屋景山而作

幽尋定費幾兩屐公心落月印寒潭

出濟巨川歸築巖追還正始遊戲事聊為風騷作指

南我有幽憂如酒癖起誦君詩春寂歷天公下取氣

凌雲神物護持光滿室老矣懷歸葑上村倚公佳句

譜桐孫須公拯危紓時食快寫車攻刊藥石

葛魯卿再和復用前韻奉酬

上謁軍門宜杖策誰為兵家分主客點虜翻乘下瀨

船幽人退整登山屐山泉聞似百花潭山曲盤回十

里巖丘壑夔龍人太息那將捷徑比終南吾邦舊事

論三癖

見劉夢得與湖州崔員外詩

佳處還堪記遊歷深譏表餌

誤朝廷急贊丞嘗安廟室避地來居水遶村見翳喃

子竹生孫苜蓿堆盤從野食人愛當年二千石

平生自媿無奇策魔去徑須呼逐客兀身聊欲避風

塵作意何能分履屐驚魚畏網伏深潭窮猿失木號

重巖殺氣漲天消息斷但想滄海浮東南囊無一錢

誚錢癖鮮菜腥人今齒歷忍言走馬過章臺空駭祝

鷄餘土室僖父嗔儂語帶村錦心繡口拜天孫端爲
遠謀箴肉食誰能饒舌攻牢石

葛魯卿再和復用前韻奉酬

聞公卜居問龜策隱屏畏人呼重客閑招溪友鐵頭
航戲躡隣娃金齒屐舍旁修木蔭風潭坐有郎君掣
電巖已將此段慰偏人更爲岑參來巷南細說當年
陳類癖類癖類
釋爲癖伏閤忿爭書日歷國醫袖手藥籠
空掛壁猶餘弓矢室吾州萬落與千村以葛名兒浸
及孫剗羊擊豕作寒食足恐酌公忘斗石

小檻觀魚呼策策來伴漁蠻作逋客風回別浦有飛
帆雨濕斷堤無響屐夢回春到放龜潭潭上雜花開
石巖十椽老屋煙燼滅越鳥無日忘巢南空說花驄
酬馬癖豈有過都如塊歷出門咫尺行路難只辦蒼
黃問家室鼓鼙聲動何處村爭挽神器歸王孫今者
不樂憤忘食奮臂擬關弓五石

奉題思上人妙峰堂

上人游四方雲水渺長道一言契深心百法從此了
十年歸故山不踏山前草經營妙峰堂想像德雲老

閉關習趺跏宴坐兀枯槁混迹雖寰中寄意已塵表
深枝姹巖花雅音喧谷鳥翠竹伴幽禪白蓮敷衆好
山空有雲歸地淨無塵掃回觀第一義湛湛孤月皎
法門有等差問訊今誰曉躍身寶樓閣此堂終徧小
維心方刊正三國史某以精筆遺之蒙餉大篇
為謝氣格渾然三復感歎謾依元韻奉和蕪陋
增愧

諸豪雄誇劍芒銛毛錐歛避收餘尖櫝間黯黯渴銅
雀案上爬沙枯玉蟾學堂山人有遺裔筆力大可千
人兼掉頭不肯書柿葉酒酣起舞怒奮髯十年歸坐
溪口屋傲視冠冕猶髡籍草玄草聖聊戲耳如醫醫識
藥信手拈邇來直筆到三國去取法度何森嚴眼中
青白世衿異皮裏陽秋誰顧瞻更憐中書今且老鷄
毛葦管爭出奩懸知入手便獍劣那復助子窮幽潛
我持妙穎急送似標題珍重存華籤勢如執法貴心
正俗病要以此語砭揮掃定見龍蛇走紉繹何憚歲
月淹須知筆意似人意柔順未必非凶儉

長樂梁世則為余言林氏達觀樓橫海嶠天下

奇景也索詩爲賦一章

老眼紛世故百嗜了若遺忽聞佳山水未到神已馳
迢迢古長樂山水天下奇中有隱君子少讀昇天詞
茲遊不可遂樓居在塵屨要欲盡一覽吞滅海嶠姿
想當宴坐久遠意渺莫追定見月嶺墮洪瀾浴朝曦
蓬萊蔚相向拍手招安期秀色故可餐却粒到玉芝
何當往從游下視培塿卑

和張仲宗送柯田山人歸隱

我家洄潭上下鄰左顧龜中有隱君子孤風邈難追
玩世逐虎鬼神羊訊蛇醫籬根縣瓠壺蔓野紛翠帷
客至勿遽迎借問來者誰

窮巷車馬絕杖履得往來老儂起招呼情話真樂哉
意行忘早晏佳處首重回月出一犬吠柴門風爲開
收還四方事老子良足哀

誰爲雙眼青自失兩鬢黑溪山招客子占勝清涼國
古人如可作晚歲意 及是中但可飲御名勿亡酒德
酒酣忿天驕驚問兵誰勒

往年城下盟殺氣橫九有脫身賊中來親戚驚老醜

抗言半渡擊失計推禍首誰能返秦璧爭欲仇魯酒
着鞭空浪忙好語得鷄口

有弟在一方丹臆危涕橫念言還鄉夢遙夜懷紫荊
忽興攬衣坐孤燈耿青燐雁奴信何功捫心愧鴻冥
棄置復棄置終尋白鷗盟

鄭維心用張仲宗韻見贈復次其韻奉酬

幽人臥南牕支床伏穹龜白墮意冥契黃庭心暗追
身閑有餘適國病何當鑿此事姑棄置溪光掛屏帷
顧影或自笑問言子從誰

少日功名心偃蹇挽不來雄豪本戲耳靜樂真賢哉
畏事口三緘憂時腸九回無客榻長掛有懷尊自開
酒酣氣如雲高哦追八哀

曾中飽世故了了分白黑十年客異縣中夜夢鄉國
買鄰枕寒溪此計吾猶及大恐歲星惡翻令銷福德
不如早移文徑效山庭勒

浮名等浮雲過眼亦何有誰能學東鄰深顰不知醜
朔風吹飛霜素色侵皓首幽憂無與娛萬事付杯酒
客來勿多談要使耳如口

江濤故洶湧胡馬猶縱橫健兒委戍甲老農持棘荆
去年拒胡地白骨埋晶熒機權失猶豫理數歸杳冥
誰如管夷吾九合先同盟

次韻葉左丞見寄

先生少英發身為國元龜玉堂動敏翰諸老難莫追
向來三折肱舉世推良醫小試經綸才艱難佐籌帷
憂時儻失聲捨我今其誰

巖棲分麾去鼎食羞嗟來憂樂有大者得喪良小哉
實心驚地坼攬涕祈天回願言國步肅追理邊隙開
繫身未足道王孫真可哀

幻緣東卽西妄境白成黑那於土偶間平地見佛國
雲山樂未央歲月嗟何及恩讎一快意聲利多慙德
名成復逃名翻恐鍾鼎勒

胷中浩無垠富貴公自有厭居廊廟榮戲習村野醜
荒山披石林它年齊峴首殺雞脩晨炊魚羔行社酒
此樂應獨知世味難可口

仗馬失芻豆那顧一榻橫小兒衣挾楮老妻釵墮荆
心事獨炯炯眼力雙熒熒君恩未報償浩歌託沈冥

上天不難知誰能訊青盟

希顏提舉博士謁葉公左丞於石林公遺之詩

屬余次韻

劉侯磊落人中豪半生塵土略如我酒酣氣與天低
昂長笑拘儒費膏火虺隤一馬上高崗怪來喜色猶
揚揚探得驪珠携滿袖明月掛空無價償

夾竹桃花

搖搖兒女花挺挺君子操一見適相逢綢繆結深好
妾容似桃萼郎心如竹枝桃花有時謝竹枝無時衰
春園灼灼自顏色願言歲晚長相隨

蠶

吳桑成綠陰吳_{精蠶}盈翠箔闔門障風雨荒祠動村落
千絲爲衣被一繭自纏縛殺身以成仁此計殊不惡
松下追涼

佳哉十八公凜凜廊廟具大匠偶未收蒼髯鬱如許
根盤曲澗幽勢宅層崖阻清風自掃門當伏不受暑
顧我蕭散姿本是山中侶出逢畏日長隻影無地去
偷閑蕭寺游清陰直修廡人交先浩茫徑造不我拒

斗酒起自行開懷爲延佇寒綠浸杯盤勁氣逼牙輔
語已心地涼外執寧足禦公家綠骨蛇千歲穴深土
何當供晨餐散我腰脚僕它年聽颼颼危冠掛神虎
此意亦大奇勿與夏蟲語

沈忠敏公龜谿集卷第一終

